

Dato: 12. juli 2022  
Kontor: Nordatlantkontoret  
Sagsbeh: Maise Biørn Jørgensen  
Sagsnr.: 2021-490-0319  
Dok.: 2396343

### Eqikkaaneq

#### **Kalaallit Nunaanni pinerluttulerinermi inatsisip allanngortinneqarneranik inatsit (akuersissuteqaqqaarnissamik tunngavilimmik pinngitsaaliilluni atoqatiginnineq pillugu aalajangersagaq)**

Inatsisisstatut siunnersuut suliarineqarpoq Naalakkersuisut Namminersortillu Oqartussat Kalaallit Nunaanni akisussaaffeqarfii ineriertortinnerinut suliaqarnermut atatillugu. Tamatumunnga atatillugu Naalakkersuisut kissaatigisimavaat, akuersissuteqaqqaarnissamik tunngavilimmik pinngitsaaliilluni atoqatiginnineq pillugu aalajangersagakkamik atuuttus-sangortitsisoqassasoq.

Inatsisisstatut siunnersuummi siunertaavoq, pinngitsaaliilluni atoqateqarnermut atatillugu pinerlunnermut inatsimmut aaliangersaasiisoqassasoq siammasinnerusumik atorneqarsinnaasumik. Tamannalu tunngavigalugu siunnersuutigineqarpoq pinerlunnermut inatsisip § 77-iat nutaamik oqaaser-taliuunneqassasoq aaliangersakkami ilaalersillugu atoqateqarneq allatulluunniit kinguaassiutitigut atoqateqarneq inummik, taamatut pisoqarnissamik akuersisimanngitsumik.

Pinerlunnermut inatsisip § 77, imm. 1-ianut atatillugu aaliangersakkami atuuttumi, pinngitsaaliilluni atoqateqarsimasutut pineqaatissinneqassaaq, inuk persuttaanikkut persutaanissamilluunniit qunusaaruteqarnikkut atoqateqartoq allatulluunniit kinguaassiutitigut atoqateqartoq, tak, nr. 1. Aammalu pinngi-tsaaliilluni atoqateqarsimasutut pineqaatissinneqatis-siisoqassaaq, kina inummik ima inissismasumik, pisumi piumanani akius-sinnaanani, atoqatiginnippat, tak. nr. 2. Aammali pinngitsaaliilluni atoqateqarsimasutut pineqatissinneqassaaq, kina meeqqamik 12-it inorlugit ukiulimmik atoqateqarsimasoq, tak. imm. 1, nr. 3. Aammalu § 77, imm. 2

Slotsholmsgade 10  
1216 København K.

T +45 7226 8400  
F +45 3393 3510

[www.justitsministeriet.dk](http://www.justitsministeriet.dk)  
jm@jm.dk

naapeertorlugu pinngitsaaliilluni atoqateqarsimasutut eqqartuunneqassaaq atoqateqarsimasoq allatulluunniit kinguaassiuutitigut atoqateqarsimasoq inatsisit unioqqutillugit pinngitsaaliilluni atoqateqarsimasoq, tak. § 91.

Inatsisissatut siunnersuut aqqtigalugu siunnersuutigineqarpoq, siunissami amma pinerluuteqarnertut isigineqassasoq atoqateqarneq allatulluunniit kinguaassiuutitigut atoqateqatiginninneq akuersisummik pisimanani aammalu akuersineq nammineq kajumissutsimik naqisimaneqarani nalunaartigineqassaaq, taamallu paatsuugassaanngitsumik nammineq piumassutsimik peqataaffiulluni, pisut qanoq pinngorsimanerat ingerlasimanerallu tunngavigalugit naliliisoqassalluni.

Akuersineq oqaatsit atorlugit iliuuseqarnikkulluunniit takutinnejqarsinnaavoq. Piumasarineqanngilaq akuersinerup toqqaannartumik pinissaa imal. aalingersimasumik ilusiligaasumik pinissaa. Taamaattumik pinngitsaaliilluni atoqateqarnermut aaliangersagaq naapertorlugu atoqateqarneq pisoq tamakkiisumillu isiginnilluni naqitanngornagu allatulluunniit tunngavilernagu naliliiffigineqassaaq.

Atoqatigiinnermut allatulluunniit kinguaassiuutitigut atoqatigiinnermut akuersineq assigiinnngitsunik pinikkut takutinnejqarsinnaavoq amma akuersinerup qanoq ilusiligaanera eqqarsaatigalugu.

Tunngaviatigut naatsorsuutigineqassaaq, inuk atoqatigiinnissamut allatulluunniit kinguaassiuutitigut atoqateqarnissamut akuersisoq qerisutut ililluni uninngaannassanngitsoq naatsorsuutigineqassallunili soqutiginnissuseqarpaluttumik pissuseqarluni peqataassasoq.

Iliuuserisat atoqateqarnissamut allatulluunniit peqatiginnissamut akuersinerusinnaasut assersuutigalugu tassaasinnaapput kunissuinerit, attualaa-rinninnerit, ilorrisimaarpaluttumik nipilornerit imal. timimik aalassatsitisarnerit soorlu aapparisaq saatiterlugu, atisat ilorliit nammineq piiarlugit imal. atoqateqartutut ililluni timi aalatillugu il.il.

Atoqatigiinnermi allatulluunniit kinguaassiuutitigut atoqatigiinnermi akuer-serpalaarnertumik peqataanerit aaliangiisuupput inuk atoqatigiinnermi im-mineq kajumissutsiminik peqataanersoq. Aaliangiisuusoq tassaavoq atoqatigisap peqataaniarnerminik isummernissamut periarfissinneqarnissaa.

Atoqatigiinnermi allatulluunniit kinguaassiuutitigut atoqatigiinnermi inuup pissusilesornera aaliangiisuovoq aaliangiiniarnermi pisoq akuerisamik

peqataaffigineqarsimanersoq. Tiingarpalaartumik pissusilersorneq, unnukkut siusinnerusukkut kunissuussimaneq, imal. aapparisamut angerlaqataasimaneq, atoqatigiinnissamut allatulluunniit kinguaassiuutitigut atoqatigiinnissamut imminneq akuersinertut isigneqarsinnaanngillat.

Akuersineq – minnerunngitsumik eqqartuussivikkoortumik isumannaarin-ninnissaq eqqarsaatigalugu – siammassisumik isiginnilluni nalilersorneqas-saaq, inuup nipaqaanngitsumik ilumini eqqarsaatigisimasinnaasai aalian-giisorinagit. Tamatuma malitsigisaanik soorlu assersuutigalugu inuk oqaatiginninnani ilumini atoqatigiinnissamut allatulluunniit kinguaassiuuti-tigut atoqatigiinnissamut isumaqataasimanngitsoq, kisiannili atoqatigiinner-mik ingerlatseqataasoq, tamatumunnga akuerinnissimasutut isigneqassaaq.

”Atoqatigiinnermik” oqaatsimik paasinnittaaseq siunnersuummi al-lanngortinneqassasoq naatsorsuutigineqanngilaq. Taamaammat atoqatigiin-neq inatsisit eqqarsaatigalugit tassaassaaq kinguaasiutitigut itikkulluunniit atoqatigiinneq.

”Allatut kinguaassiuutitigut atoqatigiinneq” aamma atorneqartoq siun-nersuummi allanngortinneqassanngitsoq aaliangiusimaneqarpoq. Taasatut allatut peqatigiinneq inatsisit tunngavigalugit soorlu tassaasinnaapput kin-guaassiuutinik kunissuilluniluunniit aluttuinerit milunnerillu, inussanik kin-guaassiuutinut itermalluunniit mangussinerit imal. inuaat atornagit allanik mangunneqarsinnaasunik atuilluni manngussinerit aammalu kinguaassiuut attualaarlugit attualaarinninnerit.

§ 77-imik allannguineq peqqutigalugu siunnersuutigineqarpoq § 79 al-lanngortinneqassaaq.

Siunnersuutigineqarpoq inatsimmik allannguineq atuutilissasoq ulloq 1. juli 2023.